



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærentem paternè ...**

Eisvogel, Veremund

Augustae Vindelic., 1727

27. S. Cosmas & Damianus Martyres

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

*id agendum est, ait D. Chrysoctomus ut
vita nostra Evangelio respondeat.*

Instructio meritoria.

Sub lectione SS. Evangeliorum ò ubi
nostra interdum sunt corda ? Erubesci-
mus fateri. Summa his reverentiam,
timorem, & fidem debemus, Igitur &
reddamus standò posthac ad eorum le-
ctionem in magna animi recollectione,
& Deum rogandò, ut verba Evangelica
exeant in omnem terram, & convertant
obdurata hominum pectora. Pro clau-
sula ad implantandam infidelibus fidem
catholicam recitemus *officium de SSS.*
*Trinitate cum affectu suspirante: Domi-
ne! auge nobis fidem.*

Festum Sanctorum Martyrum
Cosmæ, & Damiani Thaumatur-
gorum.

EXHORTATIUNCULA I.

CHare fili! Infirmi sumus? Ad me-
dicos curramus. Monstrat hos
nobis dilecta parens Ecclesia in Sanctis
Cosma, & Damiano. Nostra igitur eis
pandamus vulnera! ostendamus & ani-

A a mi

mi ulcera ! Placebit hæc nostra confidentia. In meritis, & patrociniis sanctorum salus nostra. Quærimus alibi ? Perdemus ! Inveniemus nunquam.

Instructio meritoria.

Sed quomodo vulnera pandemus, si intima rarò, aut nunquam inspiciamus ? Si examina ordinaria frequenter negligamus ? Emendemus nos, & per octo dies jugiter occupemur in exercitio nocturnæ discussionis, descendamus intra propriam conscientiam, & *15. Pater & Ave cum Te Deum Laudamus* nobis ipsis imponamus in regularem poenitentiam. Cor si non offeratur humiliatum, non dimittitur peccatum.

II.

Benefacere proximo, magnum pietatis opus est. Consolari infirmos, divinæ Charitatis. Sancti hi Medici & succurrerunt, & gratis sanarunt omnes, & singulos, quotquot languebant corpore. Quid nos ? Bone fili ! jam naufragamus, si vel à longè ægrotos intuemur, aut de his quid narrari audimus. O delicatos ! O molles nos ! Heu ! privabi-

vabimur illô dulcedinis verbô: *Infirmus
sui, & visitastis me.*

Instructio meritoria.

Opera facimus multa: Humaniter
conversamur cum proximo; Dulciter
alloquimur, juvamus, & consolamur.
Quô fine? O si gratis! O si sinè respec-
tu ad propria commoda, sine reflexio-
ne ad majorem sui æstimationem, & fa-
vores lucrandos hominum! Infelicia
lucra! His perdimus cœlum, Deum,
omnia. Assuescamus igitur rectæ in-
tentioni, quam hodie præcipuis diei
operibus præfigamus hac tesserâ: Do-
mine! *Tu scis, quòd amem te.* Fiat
adoratio Sanctissimi clausis oculis, &
erectis manibûs per unum quadrantem.
In fine addatur *officium* de mellifluo Ven.
Altaris sacramento. Quoties cupimus,
Jesus se nobis conjungit: Thesaurum
aperit, quotiescunque indigus supplicat
homo.

III.

NEc mirum, quòd levem mercedem
ab hominum manibus recusaverint
hi Martyres constantissimi. Majorem,

A a z

&

956 XXIX. Septembris. S. Michaelis Archang.
& quidem immortalem sperabant à Do-
mino, quam & obtinuerunt martyriò.
O fili! Sursum cum cordibus nostris!
In terra non nisi expectanda afflictio; ibi
sola, & perpetua invenitur consolatio.

Istructio meritoria.

Quidquid acceperimus, aut donatu-
ri simus aliis, prius superioribus exhi-
beamus, aut in horum absentia, mani-
bus Jesu, Mariæ, & S. Josephi præsen-
temus, supplicantes, ut bene ¶ dicere,
& sanctificare dignentur intenta mune-
ra. Ad exuendum verò omnem pro-
prietatis affectum hodie, & singulis so-
lemnioribus Festis renovare statuamus
religiosa vota, quæ claudemus cum *Te*
Deum Laudamus. Sacrificium prom-
ptæ, & piæ voluntatis, est coram Deo
magnæ sanctitatis.

**Festum Gloriosissimi Principis,
& Archangeli S. Michaëlis, Prote-
ctoris Ecclesiæ potentissimi.**

EXHORTATIUNCULA I.

Fili! unde S. Michaëli tanta in cælis
gloria? Nunquid à profundissima
sui